

四庫全書

史部

欽定四庫全書

欽定續通志卷三百六十八

列傳

宋 七十二

宗澤

趙鼎

張浚 杓

宗澤字汝霖婺州義烏人母劉夢天大雷電光燭其身
翌日而澤生澤自幼豪爽有大志登元祐六年進士第
廷對極陳時弊考官惡直寘末甲調大名館陶尉呂惠

卿帥廊延檄澤視河埽澤適喪長子奉檄遽行會朝廷
大開御河方隆冬役夫僵仆于道中使督之急澤上書
於帥請少需之至初春可不擾而辦用其言上聞從之
惠卿辟為屬辭調衢州龍游令民未知學澤為建庠序
設師儒講論經術風俗一變調晉州趙城令下車請升
縣為軍不聽澤曰承平時固無慮它日有警當知吾言
矣知萊州掖縣通判登州境內官田數百頃皆不生殖
歲輸萬餘緡率橫取於民澤奏免之朝廷遣使由登州

結女真盟海上謀夾攻契丹澤語所親曰天下自是多
事矣退居東陽結廬山谷間靖康元年中丞陳過庭等
列薦假宗正少卿克和議使澤曰是行不生還矣敵能
悔過退師固善否則安能屈節北庭以辱君命乎議者
謂澤剛方不屈恐害和議乃不遣命知磁州時太原失
守官兩河者率託故不行澤曰食祿而避難不可也即
日單騎就道從羸卒十餘人磁經敵騎蹂躪之餘人民
逃徙帑廩枵然澤至繕城壁浚隍池治器械募義勇始

為固守不移之計上言邢洺磁趙相五州各蓄精兵二萬敵攻一郡則四郡皆應是一郡之兵常有十萬人上嘉之除河北義兵都總管金人破真定引兵南取慶源恐澤兵躡其後遣數千騎直扣磁州城澤環甲登城令壯士以神臂弓射走之開門縱擊斬首數百級所獲羊馬金帛悉以賞軍士康王再使金行至磁澤迎謁曰肅王一去不反今敵又詭辭以致大王願勿行王遂回相州有詔以澤為副元帥從王起兵入援澤言宜急會兵

李固波斷敵歸路衆不從廼自將兵趨渡道遇北兵遣
秦光弼張德夾攻大破之金人既敗乃留兵分屯澤遣
壯士夜擣其軍破三十餘砦時康王開大元帥府檄兵
會大名澤履冰渡河見王謂京城受圍日久入援不可
緩會簽書樞密院事曹輔齋蠟封欽宗手詔至自京師
言和議可成澤日金人狡譎是欲款我師爾君父之望
入援何啻饑渴宜急引軍直趨澶淵次第進壘以解京
城之圍萬一敵有異謀則吾兵已在城下汪伯彥等難

之勸王遣澤先行自是澤不得預府中謀議矣伏讀通

鑑輯覽

御批康王聞君父之難亟宜投袂入援而乃聽信姦言濡遲不進坐視家國淪亡此與梁湘東王不援臺城何異宜乎南渡以後忍恥事讐貽議後世也獨是康王出質金軍時當幹里布詰責而不為動似乎尚足有為何一惟怯至此豈前事云云固當日史官溢美之詞不足盡信耶直一愚人遇大事懵然不能出一言史遂謂之不為動耶

二年正月澤至開德十三戰皆

捷以書勸王檄諸道兵會京城又移書北道總管趙野河東北路宣撫范訥知興仁府會楸合兵入援三人皆以澤為狂不答澤以孤軍進都統陳淬言敵方熾未可

輕舉澤怒欲斬之諸將乞貸萍使得效死澤命萍進兵
遇金人敗之金人攻開德澤遣孔彥威與戰又敗之澤
度金人必犯濮先遣三千騎往援金人果至敗之金人
復向開德權邦彥孔彥威合兵夾擊又大敗之澤兵進
至衛南度將孤兵寡不深入不能成功先驅云前有敵
營澤揮衆直前與戰敗之轉戰而東敵益生兵至王孝
忠戰死前後皆敵壘澤下令曰今日進退等死不可不
從死中求生士卒知必死無不一當百斬首數千級金

人大敗退却數十餘里澤計敵衆十倍於我今一戰而却勢必復來使悉其鐵騎夜襲吾軍則危矣乃暮徙其軍金人夜至得空營大驚自是憚澤不敢復出兵澤出其不意遣兵過大河襲擊敗之王承制以澤為徽猷閣待制時金人逼二帝北行澤聞即提軍趨滑走黎陽至大名欲徑渡河據金人歸路邀還二帝而勤王之兵卒無一至者又聞張邦昌僭位欲先行誅討會得大元帥府書約移師近都按甲觀變澤復書于王曰自古嘉臣

皆外為恭順而中藏禍心未有竊據寶位改元肆赦惡
狀昭著若邦昌者今二聖諸王悉渡河而北惟大王在
濟天意可知宜亟行天討興復社稷且言邦昌偽赦或
啟姦雄之意望遣使分諭諸路以定民心又上書言今
天下所屬望者在於大王大王行之得其道則有以慰
天下之心所謂道者近剛正而遠柔邪納諫諍而拒諛
佞尚恭儉而抑驕侈體憂勤而忘逸樂進公實而退私
偽因累表勸進王即帝位于南京澤入見涕泗交頤陳

興復大計時與李綱同入對相見論國事慷慨流涕綱
奇之上欲留澤潛善等沮之除龍圖閣學士知襄陽府
時金人有割地之議澤上疏曰天下者太祖太宗之天
下陛下當兢兢業業思傳之萬世奈何遽議割河之東
西又議割陝之蒲解乎自金人再至朝廷未嘗命一將
出一師但聞姦邪之臣朝進一言以告和暮入一說以
乞盟終致二聖北遷宗社蒙恥臣意陛下赫然震怒大
明黜陟以再造王室今即位四十日矣未聞有大號令

但見刑部指揮云不得謄播赦文於河之東西陝之蒲
解是褫天下忠義之氣而自絕其民也臣雖駑怯當躬
冒矢石為諸將先得捐軀報國恩足矣上覽其言壯之
改知青州時年六十九矣開封尹闕李綱言綏復舊都
非澤不可尋徙知開封府時敵騎留屯河上金鼓之聲
日夕相聞而京城樓櫓盡廢兵民雜居盜賊縱橫人情
恇恇澤威望素著既至首捕誅舍賊者數人下令曰為
盜者賊無輕重並從軍法由是盜賊屏息民賴以安上

疏請上還京俄有詔荆襄江淮悉備巡幸澤上疏言開封物價市肆漸同平時將士農民商旅士大夫之懷忠義者莫不願陛下亟歸京師以慰人心其倡為異議者非為陛下忠謀不過如張邦昌輩陰與金人為地爾除延康殿學士京城留守兼開封尹時金遣人以使偽楚為名至開封府澤曰此覘我也拘其人乞斬之有詔延置別館澤曰國家承平二百年不識兵革以敵國誕謾為可憑信恬不置疑不惟不嚴攻討之計其有實欲賈

勇思敵所愾之人士大夫不以為狂則以為妄致有前
日之禍張邦昌耿南仲輩所為陛下所親見也今金人
假使偽楚來覘虛實臣乞斬之以破其姦而陛下惑於
人言令遷置別館優加待遇臣愚不敢奉詔以彰國弱
上乃親札諭澤竟縱遣之言者附潛善意皆以澤拘留
金使為非尚書左丞許景衡抗疏力辨且乞厚加任使
以成其功真定懷衛間敵兵甚盛方密修戰具為入攻
之計而將相恬不為慮澤以為憂乃渡河約諸將共議

事宜以圖收復而於京城四壁各置使以領招集之兵
又據形勢立堅壁二十四所於城外汭河鱗次為連珠
砦連結河東河北山水砦忠義民兵於是陝西京東西
諸路咸願聽澤節制有詔如淮甸澤上表諫不報秉義
郎岳飛犯法將刑澤一見奇之曰此將材也會金人攻
汜水澤以五百騎授飛使立功贖罪飛大敗金人而還
遂升飛為統制飛由是知名

伏讀通鑑輯覽

御批宗澤忠義凜然屢戰克捷奉命留守東京賴以保全而
前後所陳諸疏正論侃侃亦皆發于忠愛實為宋室純臣

且能拔岳飛于刑罪之中遂成澤視師河北還上疏請帝
中興名將其明識尤有過人者

亟回汴京以慰元元之心不報復抗疏言堅守和議果
不足以息民今之言還幸者猶前之言和議為可行者
也惟陛下熟思而審用之且京師二百年積累之基業
陛下奈何輕棄以遺敵國乎詔遣官迎奉六宮往金陵
澤上疏言京師天下腹心必不可棄遂條上五事其一
言黃潛善汪伯彥贊南幸之非澤前後建議經從三省
樞密院輒為潛善等所抑每見澤奏疏皆笑以為狂金

將烏珠渡河謀攻汴京諸將請先斷河梁嚴兵自固澤
笑曰去冬金騎直來正坐斷河梁耳乃命部將劉衍趨
滑劉達趨鄭以分敵勢戒諸將極力保護河梁以俟大
兵之集金人聞之夜斷河梁遁去二年金人自鄭抵白
沙去汴京密邇都人震恐僚屬入問計澤方對客圍碁
笑曰何事張皇劉衍等在外必能禦敵乃選精銳數千
使統出敵後伏其歸路金人方與衍戰伏兵起前後夾
擊之金人果敗金將尼雅滿據西京與澤相持澤遣部

將李景良閭中立郭俊民領兵趨鄭遇敵大戰中立死
之俊民降景良遁去澤捕得景良斬以徇既而俊民與
金將史姓及燕人何仲祖等持書招澤澤數俊民曰汝
失利死尚為忠義鬼今反為金持書相誘何面目見我
斬之謂史曰我受此土有死而已汝為人將不能以死
敵我乃欲以兒女子語誘我乎亦斬之謂仲祖脅從貸
之劉衍還金人復入滑部將張搆請往掠澤選兵五千
付之戒毋輕戰以需援搆至滑迎戰敵騎十倍諸將請

少避其鋒搗曰避而偷生何面目見宗公力戰死之澤
聞搗急遣王宣領騎五千救之搗死二日宣始至與金
人大戰破走之澤迎搗喪歸恤其家以宣權知滑州金
人自是不復犯東京山東盜起執政謂其多以義師為
名請下令止勤王澤疏曰自敵圍京城忠義之士憤懣
爭奮廣之東西湖之南北福建江淮越數千里爭先勤
王當時大臣無遠識大畧不能撫而用之使之饑餓困
窮弱者填溝壑強者為盜賊此非勤王者之罪乃一時

錯置乖謬所致耳今河東西不從敵國而保山砦者不知其幾諸處節義之夫自黥其面而爭先救駕者復不知其幾此詔一出臣恐草澤之士一旦解體倉卒有急誰復有願忠效義之心哉遼人王策為金將往來河上澤擒之解其縛坐堂上為言契丹本宋兄弟之國以義激之策感泣願效死因問敵國虛實盡得其詳遂決大舉之計召諸將謂曰汝等有忠義心當協謀勦敵期還二聖以立大功言訖泣下諸將皆泣聽命金人戰不利

悲引兵去澤疏諫南幸言臣為陛下保護京城自去年
秋冬至於今春又三月矣陛下不早回京城則天下之
民無所依戴不報除資政殿學士又遣子穎詣行關上
疏曰今收復伊洛而金人渡河捍蔽滑臺而敵國屢敗
河東河北山砦義民引領舉踵日望官兵之至中興之
兆可見在陛下見幾乘時又言昔楚人城郢史氏鄙之
今聞有旨於儀真教習水戰是規規為偏霸之謀傳聞
四方必謂中原不守但為江寧控扼之計時河北盜楊

進聚衆三十萬與丁進王再興李貴王大郎等擁衆各如數萬侵掠為患澤遣人諭以禍福悉招降之王善者河東巨寇衆七十萬欲據京東澤單騎馳至營泣諭善善解甲降先是澤去磁以州事付兵馬鈴轄李侃統制趙世隆殺之至是世隆及弟世興以兵二萬來歸衆懼其變澤曰世隆本吾一校爾何能為世隆至責之曰河北陷沒吾宋法令與上下之分亦陷沒邪命斬之時世興佩刀侍側衆兵露刃庭下澤徐謂世興曰汝兄誅汝

能奮志立功足以雪恥世興感泣金人攻滑州澤遣世興
往救世興至掩其不備敗之澤威聲日著北方聞其名
常尊憚之澤疏言丁進數十萬衆願守護京城李成願
扈從還闕即渡河勦敵楊進等兵百萬亦願渡河同致
死力臣聞多助之至天下順之陛下及此時還京則衆
心翕然何敵國之足憂乎又言愛其親以及人之親所
以教人孝敬其兄以及人之兄所以教人弟陛下當與
忠臣義士合謀肆討迎復二聖今上皇所御龍德宮儼

然如舊惟淵聖皇帝未有宮室望改脩寶籙宮以為迎奉之所使天下知考於父弟於兄是以身教也上乃降詔擇日還京既而不果

伏讀通鑑輯覽

御批前儒謂高宗非不知和議之不可恃恐二帝果還於已
有不利耳此言寶洞見其肺腑觀李綱宗澤等屢請還京
言之懇切而卒不見聽及一聞信王入汴即有擇日還京
之詔于仇讐則甘心避之于兄弟則投袂爭之其忌刻出
于天性乃知前論
固不為過當也澤前後請上還京二十餘奏每為潛善

等所抑憂憤成疾疽發于背諸將入問疾澤矍然曰吾
以二帝蒙塵積憤至此汝等能殲敵則我死無恨衆皆

流涕曰敢不盡力諸將出澤歎曰出師未捷身先死長使英雄淚滿襟翌日風雨晝晦澤無一語及家事但呼過河者三而薨都人號慟遺表猶贊上還京贈觀文殿學士通議大夫謚忠簡澤質直好義親故貧者多依以爲活而自奉甚薄常曰君父側身嘗膽臣子乃安居美食邪始澤招集羣盜聚兵儲糧結諸路義兵連燕趙豪傑自謂渡河尅復可指日冀有志弗就識者恨之子頴居戎幕素得士心澤薨數日將士去者十五都人請以

穎繼父任會朝廷已命杜克留守乃以穎為判官克反
澤所為頗失人心穎屢爭之不從乃請持服歸自是豪
傑不為用羣聚城下者復去為盜而中原不守矣穎官
終兵部郎中

趙鼎字元鎮解州聞喜人生四歲而孤母樊教之通經
史百家之書登崇寧五年進士第對策斥章惇誤國累
官為河南洛陽令宰相吳敏知其能擢為開封士曹金
人陷太原朝廷議割三鎮地鼎曰祖宗之地不可以與

人何庸議已而京師失守二帝北行金人議立張邦昌
鼎與胡寅張浚逃太學中不書議狀高宗即位除權戶
部員外郎知樞密院張浚薦之除司勳郎官上幸建康
詔條具防秋事宜鼎言宜以六官所止為行宮車駕所
止為行在擇精兵以備儀衛其餘兵將分布江淮使敵
莫測巡幸之定所上納之久雨詔求闕政鼎言自熙寧
間王安石用事變祖宗之法造生邊患窮困民力敗壞
人才至崇寧初蔡京託紹述之名盡祖安石之政凡今

日之患始於安石成於蔡京今安石猶配享廟廷而京之黨未除時政之闕無大於是

伏讀通鑑輯覽

御批王安石蔡京變法流毒固宋室致病之由但至高宗南渡以復宋之宗社朝不保暮其先務自當以講求軍事為急趙鼎乃謂時政之闕莫大於安石之配享未罷蔡京之黨未除實迂緩而不切于事即如其言悉舉而廓清之又豈遽能靖外患而維國本乎鼎固南宋名臣而此疏實不免書生膚末之見抑亦門戶排斥之私耳帝為罷

安石配享擢右司諫旋遷殿中侍御史劉光世與韓世忠部將擅相殺奪鼎請鞠治諸將肅然中丞范宗尹言故事無自司諫遷殿中者帝曰鼎在言路極舉職所言

四十事已施行三十有六遂遷侍御史北兵至江上幸
會稽召臺諫議去留鼎陳戰守避三策拜御史中丞請
督王瓌進軍宣州周望分軍出廣德劉光世渡江駐紮
黃為邀擊之計又言經營中原當自關中始經營關中
當自蜀始欲幸蜀當自荆襄始吳越介在一隅非進取
中原之地荆襄左顧川陝右控湖湘下瞰京洛三國所
必爭宜以公安為行闕而屯重兵于襄陽運江浙之粟
以資川陝之兵經營大業計無出此宰相呂頤誥請帝

幸浙西下詔親征鼎以為不可輕舉頤浩惡其異已改
鼎翰林學士鼎不拜改吏部尚書又不拜言陛下有聽
納之誠而宰相陳拒諫之說陛下有眷待臺臣之意而
宰相挾挫沮言官之威堅卧不出疏頤浩過失凡千言
乃罷頤浩詔鼎復為中丞除端明殿學士簽書樞密院
事金人攻楚州鼎奏遣張俊往援之後不行山陽遂陷
金人留淮上范宗尹奏敵未必能再渡鼎曰勿恃其不
來恃吾有以待之三省當以敵退為陛下拔人才修政

事密院常虞敵至為陛下申軍律治甲兵即兩得之帝
曰卿等如此朕復何憂鼎以楚州之失上章丐去會辛
企宗除節度使鼎言企宗非軍功忤旨出奉祠除知平
江府尋改知建康又移知洪州京西招撫使李橫欲用
兵復東京鼎言橫烏合之衆不能當敵恐遂失襄陽已
而橫戰不利走襄陽竟陷召拜參知政事宰相朱勝非
言襄陽國之上流不可不急取上問岳飛可使否鼎曰
知上流利害無如飛者簽樞徐俯不以為然飛出師竟

事密院常虞敵至為陛下申軍律治甲兵即兩得之帝
曰卿等如此朕復何憂鼎以楚州之失上章丐去會辛
企宗除節度使鼎言企宗非軍功忤旨出奉祠除知平
江府尋改知建康又移知洪州京西招撫使李橫欲用
兵復東京鼎言橫烏合之衆不能當敵恐遂失襄陽已
而橫戰不利走襄陽竟陷召拜參知政事宰相朱勝非
言襄陽國之上流不可不急取上問岳飛可使否鼎曰
知上流利害無如飛者簽樞徐俯不以為然飛出師竟

四十事已施行三十有六遂遷侍御史北兵至江上幸
會稽召臺諫議去留鼎陳戰守避三策拜御史中丞請
督王瓌進軍宣州周望分軍出廣德劉光世渡江駐斡
黃為邀擊之計又言經營中原當自關中始經營關中
當自蜀始欲幸蜀當自荆襄始吳越介在一隅非進取
中原之地荆襄左顧川陝右控湖湘下瞰京洛三國所
必爭宜以公安為行關而屯重兵于襄陽運江浙之粟
以資川陝之兵經營大業計無出此宰相呂頤誥請帝

幸浙西下詔親征鼎以為不可輕舉頤浩惡其異已改
鼎翰林學士鼎不拜改吏部尚書又不拜言陛下有聽
納之誠而宰相陳拒諫之說陛下有眷待臺臣之意而
宰相挾挫沮言官之威堅卧不出疏頤浩過失凡千言
乃罷頤浩詔鼎復為中丞除端明殿學士簽書樞密院
事金人攻楚州鼎奏遣張俊往援之俊不行山陽遂陷
金人留淮上范宗尹奏敵未必能再渡鼎曰勿恃其不
來恃吾有以待之三省當以敵退為陛下拔人才修政

日之患始於安石成於蔡京今安石猶配享廟廷而京

之黨未除時政之闕無大於是

伏讀通鑑輯覽

御批王安石蔡京變法流毒固宋室致病之由但至高宗南渡以復宋之宗社朝不保暮其先務自當以講求軍事為急趙鼎乃謂時政之闕莫大於安石之配享未罷蔡京之黨未除實迂緩而不切于事即如其言悉舉而廓清之又豈遽能靖外患而維國本乎鼎固南宋名臣而此疏實不免書生膚末之見抑亦門戶排斥之私耳帝為罷

安石配享擢右司諫旋遷殿中侍御史劉光世與韓世忠部將擅相殺奪鼎請鞠治諸將肅然中丞范宗尹言故事無自司諫遷殿中者帝曰鼎在言路極舉職所言

復襄陽鼎乞令韓世忠屯泗上劉光世出陳蔡光世請
入奏俯欲許之鼎不可偽齊宿遷令來歸俯欲斬送劉
豫鼎復爭之俯積不能平乃求去朱勝非兼知樞密院
言者謂當國者不知兵乞令參政通知由是為勝非所
忌除鼎知樞密院川陝宣撫使都督川陝荆襄諸軍事
鼎所條奏勝非多沮抑之鼎上疏言頃張浚出使川陝
君臣相信古今無二而終致物議以被竄逐今臣所謂
兵不滿數千半皆老弱所齎金帛至微除命甫下彈墨

已行臣日侍宸衷所陳已艱難況在萬里之外乎時人
士皆惜其去臺諫有留行者會邊報盜至鼎每陳用兵
大計及朝時留拜尚書右僕射同中書門下平章事兼
知樞密院事制下朝士相慶時劉豫子麟與金人合兵
大入舉朝震恐鼎論戰禦之計諸將各異議獨張俊以
為當進討鼎是其言有勸上他幸者鼎曰戰而不捷去
未晚也帝亦曰朕當親總六師臨江決戰鼎喜曰累年
退怯敵志益驕今聖斷親征成功可必於是詔張俊以

所部援韓世忠而命劉光世移軍建康且促世忠進兵
世忠至揚州大破金人於大儀鎮方警報交馳劉光世
遣人諷鼎曰相公自入蜀何事為他人任患世忠亦謂
人曰趙丞相真敢為者

伏讀通鑑輯覽

御批高宗決計親征趙鼎遂留裒贊此正可轉之機諸將聞
之自當奮勵同心力固興復乃劉光世竟遣人諷鼎且敢
云何事為他人任患視軍國之重如膜外忽君臣之義若
路人喪心若此雖寸斬亦不足以蔽其罪獨世忠以忠誠
自勵揚州濟師大儀克捷頗懷敵愾之心乃亦鼎聞之恐
有趙丞相真敢之語何其與行事大相刺謬耶

上意中變乘間言陛下養兵十年用之正在今日若少

加退沮即人心渙散長江之險不可復恃及捷音日至
車駕至平江下詔聲逆豫之罪欲自將渡河決戰鼎曰
敵之遠來利於速戰遽與爭鋒非策也且豫猶遣其子
豈可煩至尊耶帝為止不行伏讀通鑑輯覽

御批趙鼎力贊高宗親征一洗累年萎靡之習南渡以後差
為快舉然車駕未行即有濟否非鼎所知之語則其中本
無定見及平江聞捷高宗遂欲渡江決戰又復阻止是雖
有親征之名而無親征之實故其功亦僅收得半非若瀆
淵之毅然一往勇斷集事也論者以鼎未幾簽書樞密院
比之寇準其志雖同而才力不逮遠甚

事胡松年自江上還云北兵大集然後知鼎之有先見

加退沮即人心渙散長江之險不可復恃及捷音日至
車駕至平江下詔聲逆豫之罪欲自將渡河決戰鼎曰
敵之遠來利於速戰遽與爭鋒非策也且豫猶遣其子
豈可煩至尊耶帝為止不行

伏讀通鑑輯覽

御批趙鼎力贊高宗親征一洗累年萎靡之習南渡以後差
為快舉然車駕未行即有濟否非鼎所知之語則其中本
無定見及平江聞捷高宗遂欲渡江決戰又復阻止是雖
有親征之名而無親征之實故其功亦僅收得半非若瀆
淵之毅然一往勇斷集事也論者以鼎
比之寇準其志雖同而才力不逮遠甚

未幾簽書樞密院

事胡松年自江上還云北兵大集然後知鼎之有先見

已行臣日侍宸衷所陳已艱難況在萬里之外乎時人
士皆惜其去臺諫有留行者會邊報沴至鼎每陳用兵
大計及朝時留拜尚書右僕射同中書門下平章事兼
知樞密院事制下朝士相慶時劉豫子麟與金人合兵
大入舉朝震恐鼎論戰禦之計諸將各異議獨張俊以
為當進討鼎是其言有勸上他幸者鼎曰戰而不捷去
未晚也帝亦曰朕當親總六師臨江決戰鼎喜曰累年
退怯敵志益驕今聖斷親征成功可必於是詔張俊以

所部援韓世忠而命劉光世移軍建康且促世忠進兵
世忠至揚州大破金人於大儀鎮方警報交馳劉光世
遣人諷鼎曰相公自入蜀何事為他人任患世忠亦謂
人曰趙丞相真敢為者

伏讀通鑑輯覽

御批高宗決計親征趙鼎遂留襄贊此正可轉之機諸將聞
之自當奮勵同心力固興復乃劉光世竟遣人諷鼎且敢
云何事為他人任患視軍國之重如膜外忽君臣之義若
路人喪心若此雖寸斬亦不足以蔽其罪獨世忠以忠誠
自勵揚州濟師大儀克捷頗懷敵愾之心乃亦鼎聞之恐
有趙丞相真敢之語何其與行事大相刺謬耶

上意中變乘間言陛下養兵十年用之正在今日若少

復襄陽鼎乞令韓世忠屯泗上劉光世出陳蔡光世請
入奏俯欲許之鼎不可偽齊宿遷令來歸俯欲斬送劉
豫鼎復爭之俯積不能平乃求去朱勝非魚知樞密院
言者謂當國者不知兵乞令參政通知由是為勝非所
忌除鼎知樞密院川陝宣撫使都督川陝荆襄諸軍事
鼎所條奏勝非多沮抑之鼎上疏言頃張浚出使川陝
君臣相信古今無二而終致物議以被竄逐今臣所謂
兵不滿數千半皆老弱所齎金帛至微除命甫下彈墨

也張浚久廢鼎言浚久大任乃召除知樞密院命浚往江上視師時敵兵久駐淮南知南兵有脩漸謀北歸鼎曰金人無能為矣命諸將邀諸淮連敗之金人遁去鼎奏金人遁歸尤當博采羣言為善後之計於是詔呂頤浩等議攻戰備禦措置綏懷之方五年上還臨安制以鼎守左僕射知樞密院事張浚守右僕射兼知樞密院事都督諸路軍馬鼎以政事先後及人才所當召用者條而置之座右次第奏行之制以貴州防禦使瑗為保

慶軍節度使封建國公於行宮門外建資善堂鼎薦范
冲為翊善朱震為贊讀朝論謂二人極天下之選詔范
冲判定神宗哲宗二史鼎以宰相監脩是非各得其正
上親書忠正德丈四字賜鼎又以御書尚書一帙賜之
鼎上疏謝劉豫遣子麟猊分路入寇時張俊屯盱眙楊
沂中屯泗韓世忠屯楚岳飛駐鄂劉光世駐廬沿江上
下無兵帝與鼎以為憂鼎移書浚欲令浚與沂中合兵
剿敵光世乞捨廬還太平又乞退保采石鼎奏曰豫逆

賊也官軍與豫戰而不能勝或更退守何以立國今賊已渡淮當亟遣張俊合光世之軍盡掃淮南之寇然後議去留上善其策詔二將進兵俊軍至藕塘與猱戰大破之鼎命沂中趨合肥以會光世光世已棄廬回江北浚以書告鼎鼎曰上詔浚有不用命者聽以軍法從事光世大駭復進至肥河與麟戰破之麟拔柵遁去浚在江上嘗遣其屬呂祉入奏事所言誇大鼎每抑之上謂鼎曰他日張浚與卿不和必呂祉也浚浚因論事語

意微侵鼎鼎言臣初與浚如兄弟因呂社離間遂爾睽
異今浚成功當使展盡底蘊浚當留臣當去帝曰俟俊
歸議之浚嘗奏乞幸建康而鼎與折彥質請回蹕臨安
暨浚還乞乘勝攻河南且罷劉光世軍政鼎言擒豫固
易耳然得河南能保金人不內侵乎光世累世為將無
故而罷之恐人心不安

伏請通鑑輯覽

御批史稱帝謂浚鼎不和必由呂社若譽高宗有先見者然
夫三人者皆其臣也黜陟誰則司之而為此局外之論亦
大可鄙矣浚遂因社離間生嫌固不免意存袒護及其請
攻河南請罷劉光世鼎皆不以為然實亦有心立異夫光

意微侵鼎鼎言臣初與浚如兄弟因呂社離間遂爾睽
異今浚成功當使展盡底蘊浚當留臣當去帝曰俟俊
歸議之浚嘗奏乞幸建康而鼎與折彥質請回蹕臨安
暨浚還乞乘勝攻河南且罷劉光世軍政鼎言擒豫固
易耳然得河南能保金人不內侵乎光世累世為將無
故而罷之恐人心不安

伏讀通鑑輯覽

御批史稱帝謂浚鼎不和必由呂社若魯高宗有先見者然
夫三人者皆其臣也黜陟誰則司之而為此局外之論亦
大可鄙矣浚遂因社離間生嫌固不免意存袒護及其請
攻河南請罷劉光世鼎皆不以為然實亦有心立異夫光

慶軍節度使封建國公於行宮門外建資善堂鼎薦范
冲為翊善朱震為贊讀朝論謂二人極天下之選詔范
冲判定神宗哲宗二史鼎以宰相監脩是非各得其正
上親書忠正德文四字賜鼎又以御書尚書一帙賜之
鼎上疏謝劉豫遣子麟猊分路入寇時張俊屯盱眙楊
沂中屯泗韓世忠屯楚岳飛駐鄂劉光世駐廬沿江上
下無兵帝與鼎以為憂鼎移書浚欲令浚與沂中合兵
剿敵光世乞捨廬還太平又乞退保采石鼎奏曰豫逆

賊也官軍與豫戰而不能勝或更退守何以立國今賊已渡淮當亟遣張俊合光世之軍盡掃淮南之寇然後議去留上善其策詔二將進兵俊軍至藕塘與猋戰大破之鼎命沂中趨合肥以會光世光世已棄廬回江北浚以書告鼎鼎曰上詔浚有不用命者聽以軍法從事光世大駭復進至肥河與麟戰破之麟猋拔柵遁去浚在江上嘗遣其屬呂祉入奏事所言誇大鼎每抑之上謂鼎曰他日張浚與卿不和必呂祉也後浚因論事語

也張浚久廢鼎言浚久大任乃召除知樞密院命浚往江上視師時敵兵久駐淮南知南兵有脩漸謀北歸鼎曰金人無能為矣命諸將邀諸淮連敗之金人遁去鼎奏金人遁歸尤當博采羣言為善後之計於是詔呂頤浩等議攻戰備禦措置綏懷之方五年上還臨安制以鼎守左僕射知樞密院事張浚守右僕射兼知樞密院事都督諸路軍馬鼎以政事先後及人才所當召用者條而置之座右次第奏行之制以貴州防禦使瑗為保

世罪狀昭著不可云無故而罷且謂得河南而恐金人內
侵豈株守臨安轉能保全之不侵乎二人尚具忠愛之忱
者而各有所蔽宜
其迄無成事也
浚滋不悅鼎以觀文殿大學士知紹興

府七年帝幸建康罷劉光世以王德為都統制酈瓊副
之並聽參謀兵部尚書呂祉節制瓊與德有宿怨訴于
祉不得直執祉以全軍降偽齊浚引咎去位召鼎入對
拜尚書左僕射同中書門下平章事兼樞密使臺諫交
論淮西無備鼎曰行朝擁兵十萬敵來自足抗之設有
他虞鼎身任其責淮西迄無驚帝欲遠竄浚鼎奏浚母

老且有勤王功已而內批出浚謫置嶺南鼎留不下詰
旦約同列掾解帝怒殊未釋鼎力懇曰浚罪不過失策
耳凡人計慮豈不欲萬全儻因一失便寘之死地後有
奇謀秘計誰復敢言者此事自關朝廷非私浚也帝意
乃解遂以散官分司居永州金廢劉豫鼎遣間招河南
守將壽亳陳蔡之間往往舉城或率部曲來歸得精兵
萬餘馬數千知廬州劉錡亦奏言淮北歸正者不絕度
今歲可得四五萬金人遣使議和朝論以為不可信帝

怒鼎曰陛下於金人有不共戴天之讎今屈已請和不
憚為之者以梓宮及母后耳羣臣憤懣之辭出於愛君
不可以為罪陛下宜諭之曰講和非吾意以親故不得
已為之但得梓宮及母后還敵雖渝盟吾無憾焉帝從
其言羣議遂息滿良貴以向子諲奏事久叱之退上欲
抵良貴罪常同為之辨欲併逐同鼎奏子諲雖無罪而
同與良貴不宜逐二人竟出帝已有先入之言由是不
樂於鼎御筆和州防禦使璩除節鉞封國公鼎奏建國

雖未正名天下皆知陛下有子社稷大計也在今禮數不得不異所以繫人心不使之二三而惑也帝曰姑徐之鼎嘗聞和議與秦檜意不合及鼎以爭璩封國事拂上意檜乘間擠鼎又薦蕭振為侍御史振本鼎所引及入臺劾參知政事劉大中罷之鼎曰振意不在大中也振亦謂人曰趙丞相不待論嘗自為去就會殿中侍御史張戒論給事中勾濤濤言戒之擊臣乃趙鼎意因詆鼎結臺諫及諸將帝聞益疑鼎引疾求免乃以忠武節

雖未正名天下皆知陛下有子社稷大計也在今禮數不得不異所以繫人心不使之二三而惑也帝曰姑徐之鼎嘗聞和議與秦檜意不合及鼎以爭璩封國事拂上意檜乘間擠鼎又薦蕭振為侍御史振本鼎所引及入臺劾參知政事劉大中罷之鼎曰振意不在大中也振亦謂人曰趙丞相不待論嘗自為去就會殿中侍御史張戒論給事中勾濤濤言戒之擊臣乃趙鼎意因詆鼎結臺諫及諸將帝聞益疑鼎引疾求免乃以忠武節

老且有勤王功已而內批出浚謫置嶺南鼎留不下詰
旦約同列掾解帝怒殊未釋鼎力懇曰浚罪不過失策
耳凡人計慮豈不欲萬全儻因一失便寘之死地後有
奇謀秘計誰復敢言者此事自關朝廷非私浚也帝意
乃解遂以散官分司居永州金廢劉豫鼎遣間招河南
守將壽亳陳蔡之間往往舉城或率部曲來歸得精兵
萬餘馬數千知廬州劉錡亦奏言淮北歸正者不絕度
今歲可得四五萬人遣使議和朝論以為不可信帝

怒鼎曰陛下於金人有不共戴天之讎今屈已請和不
憚為之者以梓宮及母后耳羣臣憤懣之辭出於愛君
不可以為罪陛下宜諭之曰講和非吾意以親故不得
已為之但得梓宮及母后還敵雖渝盟吾無憾焉帝從
其言羣議遂息潘良貴以向子諲奏事久叱之退上欲
抵良貴罪常同為之辨欲併逐同鼎奏子諲雖無罪而
同與良貴不宜逐二人竟出帝已有先入之言由是不
樂於鼎御筆和州防禦使璩除節鉞封國公鼎奏建國

世罪狀昭著不可云無故而罷且謂得河南而恐金人內
侵豈株守臨安轉能保全之不侵乎二人尚具忠愛之忱
者而各有所蔽宜
其迄無成事也
浚滋不悅鼎以觀文殿大學士知紹興

府七年帝幸建康罷劉光世以王德為都統制鄺瓊副
之並聽參謀兵部尚書呂祉節制瓊與德有宿怨訴于
祉不得直執祉以全軍降偽齊浚引咎去位召鼎入對
拜尚書左僕射同中書門下平章事兼樞密使臺諫交
論淮西無備鼎曰行朝擁兵十萬敵來自足抗之設有
他虞鼎身任其責淮西迄無驚帝欲遠竄浚鼎奏浚母

度使出知紹興府尋加檢校少傅改奉國軍節度使檜
率執政往餞其行鼎不為禮一揖而去檜益憾之鼎既
去王庶入對上謂庶曰趙鼎兩為相於國大有功再贊
親征皆能決勝又鎮撫建康回鑾無患他人所不及也
先是王倫使金從鼎受使指問禮數則答以君臣之分
已定問地界則答以大河為界至是倫與金使俱來以
撫諭江南為名帝歎息謂庶曰使五日前得此報趙鼎
豈可去耶初車駕還臨安內侍移竹栽入內鼎見責之

曰艮嶽花石之擾皆出汝曹今欲蹈前轍耶因奏其事
上改容謝之有戶部官進錢入宮者鼎召至相府切責
之奏某人不當獻陛下不當求遂出其人與郡鼎嘗薦
胡寅魏矼晏敦復潘良貴呂本中張致遠劉大本常同
林季仲等數十人分布朝列又論趙鼎胡世將周秘陳
公輔之徒妬賢長惡帝為徙世將而公輔等尋補外帝
嘗中批二人付廟堂升擢鼎奏疏遠小臣陛下何由得
其姓名帝謂常同實稱之鼎曰同知其賢何不露章薦

引始浚薦秦檜可與共大事鼎再相亦以為言然檜機
穽深險外和而中異浚初求去有旨召鼎鼎至越馬祠
檜惡其逼已徙知泉州又諷謝祖信論鼎嘗受張邦昌
偽命遂奪節御史中丞王次翁論鼎治郡廢弛命提舉
洞霄宮鼎自泉州歸復上書言時政檜忌其復用諷次
翁又論其嘗受偽命乾沒都督府錢十七萬緡謫官居
興化軍論者猶不已移漳州又責清遠軍節度使使潮
州安置在潮五年杜門謝客時事不掛口有問者但引

咎而已中丞詹大方誣其受賄移吉陽軍鼎謝表曰白
首何歸悵餘生之無幾丹心未泯誓九死以不移檜見
之曰此老倔强猶昔在吉陽三年潛居深處門人故吏
皆不敢通問惟廣西帥張宗元時饋醪米檜知之命本
軍月具存亡申省鼎遣人語其子汾曰檜必欲殺我我
死汝曹無患不爾禍及一家矣先得疾自書墓中石記
鄉里及除拜歲月至是書銘旌云身騎箕尾歸天上氣
作山河壯本朝遺言屬其子乞歸葬遂不食而死時紹

咎而已中丞詹大方誣其受賄移吉陽軍鼎謝表曰白
首何歸悵餘生之無幾丹心未泯誓九死以不移檜見
之曰此老倔強猶昔在吉陽三年潛居深處門人故吏
皆不敢通問惟廣西帥張宗元時饋醪米檜知之命本
軍月具存亡申省鼎遣人語其子汾曰檜必欲殺我我
死汝曹無患不爾禍及一家矣先得疾自書墓中石記
鄉里及除拜歲月至是書銘旌云身騎箕尾歸天上氣
作山河壯本朝遺言屬其子乞歸葬遂不食而死時紹

曰艮嶽花石之擾皆出汝曹今欲蹈前轍耶因奏其事
上改容謝之有戶部官進錢入宮者鼎召至相府切責
之奏某人不當獻陛下不當求遂出其人與郡鼎嘗薦
胡寅魏矼晏敦復潘良貴呂本中張致遠劉大本常同
林季仲等數十人分布朝列又論趙鼎胡世將周秘陳
公輔之徒妬賢長惡帝為徙世將而公輔等尋補外帝
嘗中批二人付廟堂升擢鼎奏疏遠小臣陛下何由得
其姓名帝謂常同實稱之鼎曰同知其賢何不露章薦

引始浚薦秦檜可與共大事鼎再相亦以為言然檜機
穽深險外和而中異浚初求去有旨召鼎鼎至越馬祠
檜惡其逼已徙知泉州又諷謝祖信論鼎嘗受張邦昌
偽命遂奪節御史中丞王次翁論鼎治郡廢弛命提舉
洞霄宮鼎自泉州歸復上書言時政檜忌其復用諷次
翁又論其嘗受偽命乾沒都督府錢十七萬緡謫官居
興化軍論者猶不已移漳州又責清遠軍節度使使潮
州安置在潮五年杜門謝客時事不掛口有問者但引

度使出知紹興府尋加檢校少傅改奉國軍節度使檜
率執政往餞其行鼎不為禮一揖而去檜益憾之鼎既
去王庶入對上謂庶曰趙鼎兩為相於國大有功再贊
親征皆能決勝又鎮撫建康回鑾無患他人所不及也
先是王倫使金從鼎受使指問禮數則答以君臣之分
已定問地界則答以大河為界至是倫與金使俱來以
撫諭江南為名帝歎息謂庶曰使五日前得此報趙鼎
豈可去耶初車駕還臨安內侍移竹栽入內鼎見責之

興十七年也天下聞而悲之明年得旨歸葬孝宗即位
謚忠簡贈太傅追封豐國公高宗祔廟以鼎配享廟庭
擢用其孫十有二人鼎為文渾然天成凡高宗處分軍
國機事多其視草有擬奏表疏雜詩文二百餘篇號得
全集行於世論中興賢相以鼎為稱首云

張浚字德遠漢州綿竹人唐宰相九齡弟九臯之後父
咸舉進士賢良兩科浚四歲而孤行直視端無誑言識
者知為大器入太學中進士第靖康初為太常簿張邦

昌偕立逃入太學中聞高宗即位馳赴南京除樞密院
編修官改虞部郎擢殿中侍御史駕幸東南後軍統制
韓世忠所部逼逐諫臣墜水死浚奏奪世忠觀察使上
下始知有國法遷侍御史時乘輿在揚州浚言中原天
下之根本願下詔葺東京闕陝襄鄧以待巡幸拂宰相
意除集英殿修撰知興元府未行擢禮部侍郎除御營
使司參贊公事浚度金人必來攻而廟堂晏然殊不為
備力言之宰相黃潛善汪伯彥皆笑其過計建炎三年

春金人南侵車駕幸錢塘留朱勝非於吳門捍禦以浚
同節制軍馬已而勝非召浚獨留時潰兵數萬所至剽
掠浚招集甫定會苗傅劉正彥作亂改元赦書至平江
浚命守臣湯東野秘不宣未幾傅等以檄來浚慟哭召
東野及提點刑獄趙哲謀起兵討賊時傅等以承宣使
張俊為秦鳳路副總管俊將所部至平江浚知上遇俊
厚可謀大事握手語故相持而泣因告以將起兵問罪
時呂頤浩節制建業劉光世領兵鎮江浚遣人賫蠟書

約頤浩光世以兵來會而命俊分兵扼吳江上疏請復
辟傳等謀除浚禮部尚書命將所部詣行在浚以大兵
未集未欲誦言討賊乃託云張俊驟回人情震讐不可
不少留以撫其軍會韓世忠舟師抵常熟張俊曰世忠
來事濟矣白浚以書招之世忠至對浚慟哭曰世忠與
俊請以身任之浚因大犒俊世忠將士呼諸將校至前
抗聲問曰今日之舉孰順孰逆衆皆曰賊逆我順浚曰
聞賊以重賞購吾首若浚此舉違天悖人汝等可取浚

約頤浩光世以兵來會而命俊分兵扼吳江上疏請復
辟傳等謀除浚禮部尚書命將所部詣行在浚以大兵
未集未欲誦言討賊乃託云張俊驟回人情震誓不可
不少留以撫其軍會韓世忠舟師抵常熟張俊曰世忠
來事濟矣白浚以書招之世忠至對浚慟哭曰世忠與
俊請以身任之浚因大犒俊世忠將士呼諸將校至前
抗聲問曰今日之舉孰順孰逆衆皆曰賊逆我順浚曰
聞賊以重賞購吾首若浚此舉違天悖人汝等可取浚

昌偕立逃入太學中聞高宗即位馳赴南京除樞密院
編修官改虞部郎擢殿中侍御史駕幸東南後軍統制
韓世忠所部逼逐諫臣墜水死浚奏奪世忠觀察使上
下始知有國法遷侍御史時乘輿在揚州浚言中原天
下之根本願下詔募東京關陝襄鄧以待巡幸拂宰相
意除集英殿修撰知興元府未行擢禮部侍郎除御營
使司參贊公事浚度金人必來攻而廟堂晏然殊不為
備力言之宰相黃潛善汪伯彥皆笑其過計建炎三年

春金人南侵車駕幸錢塘留朱勝非於吳門捍禦以浚
同節制軍馬已而勝非召浚獨留時潰兵數萬所至剽
掠浚招集甫定會苗傅劉正彥作亂改元赦書至平江
浚命守臣湯東野秘不宣未幾傅等以檄來浚慟哭召
東野及提點刑獄趙哲謀起兵討賊時傅等以承宣使
張俊為秦鳳路副總管俊將所部至平江浚知上遇俊
厚可謀大事握手語故相持而泣因告以將起兵問罪
時呂頤浩節制建業劉光世領兵鎮江浚遣人賁蠟書

興十七年也天下聞而悲之明年得旨歸葬孝宗即位
謚忠簡贈太傅追封豐國公高宗祔廟以鼎配享廟庭
擢用其孫十有二人鼎為文渾然天成凡高宗處分軍
國機事多其視草有擬奏表疏雜詩文二百餘篇號得
全集行於世論中興賢相以鼎為稱首云

張浚字德遠漢州綿竹人唐宰相九齡弟九皐之後父
咸舉進士賢良兩科浚四歲而孤行直視端無詭言識
者知為大器入太學中進士第靖康初為太常簿張邦

頭去不然一有退縮悉以軍法從事衆咸憤憤於是令
世忠以兵赴闕而戒其急趨秀州據糧道以竦大軍之
至世忠至秀即大治戰具會傅等以書招浚浚報云自
古言涉不順謂之指斥乘輿事涉不遜謂之震驚宮闕
廢立之事謂之大逆不道大逆不道者族今建炎皇帝
不聞失德一旦遜位豈所宜聞傅等得書恐乃遣重兵
扼臨平亟除俊世忠節度使而誣浚欲危社稷責柳州
安置俊世忠拒不受會呂頤浩劉光世兵踵至浚乃聲

傅正彥罪傳檄中外率諸軍繼進初浚遣客馮轡以計策往說傳等會大軍且至傳正彥憂恐不知所出轡知其可動即以大義白宰相朱勝非使率百官請復辟高宗御筆除浚知樞密院事浚進次臨平賊兵拒不得前世忠等搏戰大破之傅正彥脫遁浚與頤浩等入見伏地涕泣待罪高宗問勞再三曰曩在睿聖兩宮隔絕一日啜羹小黃門忽傳太母之命不得已貶卿柳州朕不覺羹覆于手念卿被謫此事誰任解所服玉帶以賜高

宗欲相浚浚以晚進不敢當傅正彥走閩中浚命世忠追縛之以獻與其黨皆伏誅初浚次秀州嘗夜坐警備甚嚴忽有客至前出一紙懷中曰此苗傅劉正彥募賊公賞格也浚問欲何如客曰僕河北人粗讀書知逆順豈以身為賊用特見為備不嚴恐有後來者耳浚下執其手問姓名不告而去浚翌日斬死囚徇于衆曰此苗劉刺客也私識其狀貌物色之終不遇巨盜薛慶嘯聚淮甸至數萬人浚恐其滋蔓徑至高郵入慶壘喻以朝

廷恩意慶感服下拜浚留撫其衆或傳浚為賊所執呂
頤浩等遽罷浚樞密浚歸高宗驚歎即日起就職浚謂
中興當自關陝始慮金人或入陝取蜀則東南不可保
遂慷慨請行詔以浚為川陝宣撫處置使得便宜黜陟
將行御營平寇將軍范瓊擁衆自豫章至行在先是靖
康城破金人逼脅君后太子宗室北行多瓊之謀又乘
勢剽掠左右張邦昌為之從衛至是入朝悻傲無禮且
乞貸逆黨傅正彥等死罪浚奏瓊大逆不道乞仲典憲

翌日召瓊至都堂數其罪送棘寺論死分其軍隸神武
軍然後行與汾江襄漢守臣議儲蓄以待臨幸高宗問
浚大計浚請身任陝蜀之事置幕府於秦州別遣大臣
與韓世忠鎮淮東令呂頤浩扈蹕來武昌復以張俊劉
光世與秦川相首尾議既定浚行未及武昌而頤浩變
初議浚既抵興元金人已取郿延驍將羅索貝勒引大
兵渡渭攻永興諸將莫肯相援浚至即出行關陝訪問
風俗罷斥姦賊以搜攬豪傑為先務諸將惕息聽命會

謀報金人將攻東南浚命諸將整軍向敵已而金人大
攻江淮浚即治軍入衛至房州知金人北歸復還關陝
時金帥烏珠猶在淮西浚懼其復擾東南謀牽制之遂
決策治兵合五路之師以復永興金人大恐急調烏珠
等由京西入援大戰於富平

按建炎以來朝野雜記載張浚之使秦蜀也約以治

兵三年而後用師進取浚甫至秦亭而烏珠至江浙帝
浮海東征浚聞即將見兵十餘萬人入衛明年春至房
陵聞敵騎已退乃還是秋浚聞敵再欲至江淮乃議出
師以抗其勢曲端為都統制以士不習戰難之參贊軍
事劉彥冲亦以為非本計浚曰吾豈不知此顧東南方
急不得不爾遂合戰於富平然是冬遼蘭不能渡江而

陝服之師遂為婁宿所敗時幕客獨王子涇原帥劉錡尚贊之吳玠為裨將亦以為難而不見聽

身率將士薄敵陣殺獲頗衆會環慶帥趙哲擅離所部

哲軍將校望見塵起驚遁諸軍皆潰沒斬哲以徇

按建炎以

來朝野雜記載富平之役合五路之師四十萬熙河經畧使劉錡為統制永興帥吳玠涇原帥劉錡環慶帥趙哲秦鳳提刑部浩皆在行間時哲嘗請分兵沒不聽及敗哲全師而返沒怒其先退故斬之然哲當復辟時有功在西邊又為名將故沒誅之當時不以為是退保興州命吳玠聚兵扼險于

鳳翔之和尚原大散關以斷敵來路關師古等聚熙河兵于岷州大潭孫渥賈世方等聚涇原鳳翔兵于階成

鳳三州以固蜀口浚上書待罪帝手詔慰勉紹興元年
金將烏嚕攻和尚原吳玠乘險擊之金人大敗走烏珠
復合兵至玠及其弟璘復邀擊大破之烏珠僅以身免
亟髡其鬚髻遁歸拜浚檢校少保定國軍節度使浚在
關陝三年訓新集之兵當方張之敵以劉子羽為上賓
任趙開為都轉運使擢吳玠為大將守鳳翔子羽慷慨
有才略開善理財而玠每戰輒勝西北遺民歸附日衆
故關陝雖失而全蜀按堵且以形勢牽制東南江淮亦

賴以安將軍曲端者建炎中嘗迫逐帥臣王庶而奪其
印吳玠敗于彭原訴端不援富平之役端議不合其腹
心張忠彥等降敵浚初超用端後卒下端獄論死會有
言浚殺趙哲曲端無辜而任子羽開玠非是朝廷疑之
三年遣王似副浚會金將撒离曷及劉豫判黨聚兵入
攻破金人子羽為興元帥約吳玠同守三泉金人至金
牛宋師掩擊之斬馘及墮溪谷死者以數千計浚聞王
似來求解兵柄且奏似不可任宰相呂頤浩不悅而朱

勝非以宿憾日毀短浚詔浚赴行在初辛炳知潭州浚在陝以檄發兵炳不遣浚奏劾之至是炳為御史中丞率同列劾浚以本官提舉洞霄宮居福州浚既去國慮金人釋川陝之兵必將併力窺東南而朝廷已議講解乃上疏極言其狀未幾劉豫之子麟果引金人入攻高宗思浚前言策免朱勝非而復浚資政殿學士提舉萬壽觀兼侍讀入見高宗手詔辨浚前誣除知樞密院事浚既受命即日赴江上視師時烏珠擁兵十萬于揚州

約日渡江決戰浚召韓世忠張俊劉光世議事將士見浚勇氣十倍浚既部分諸將身留鎮江節度之世忠遣麾下王愈諸烏珠約戰且言張樞密已在鎮江烏珠曰張樞密貶嶺南何乃在此愈出浚所下文書示之烏珠色變夜遁

伏讀通鑑輯覽

批張浚與金交兵動輒敗衄非有先聲可畏烏珠方帥勁旅南下何至聞其來而遽變色思歸乎蓋金兵本因劉豫邀請以出餽道既已不繼又聞太宗病篤故無功而還耳譽浚者遂飾為此說不足信也五年除尚書

右僕射同中書門下平章事兼知樞密院事都督諸路

軍馬趙鼎除左僕射浚與鼎同心輔治務在塞倖門抑
近習時巨寇楊么據洞庭屢攻不克浚以建康東南都
會而洞庭據上流恐滋蔓為害請因盛夏乘其怠討之
具奏請行至醴陵釋邑囚數百皆楊么謀者給以文書
俾招諭諸砦囚驩呼而往至潭賊衆二十餘萬相繼來
降湖寇盡平帝賜浚書謂上流既定則川陝荆襄形勢
接連軍力增倍天其以中興之功付卿乎浚遂奏遣岳
飛屯荆襄以圖中原乃自鄂岳轉淮東大會諸將議防

秋之宜高宗遣使賜詔趣歸召對便殿進中興備覽四
十一篇帝嘉歎置之坐隅浚以敵勢未衰而叛臣劉豫
復據中原六年會諸將議事江上榜豫僭逆之罪命韓
世忠據承楚以圖淮揚命劉光世屯合肥以招北軍命
張俊練兵建康進屯盱眙命楊沂中領精兵為後翼以
佐俊命岳飛進屯襄陽以窺中原浚渡江徧撫淮上諸
屯入覲力請幸建康車駕進發浚先往江上謀報劉豫
與子猊挾金人入攻浚奏金人不敢悉衆而來此必豫

兵也俊光世皆張大敵勢浚謂賊豫以逆犯順不勦除
何以爲國今日之事有進無退且命楊沂中往屯濠州
劉麟逼合肥張俊請益兵劉光世欲退師趙鼎及簽書
折彥質欲召岳飛兵東下御書付浚令俊光世沂中等
還保江浚秦俊等渡江則無淮南而長江之險與敵共
矣且岳飛一動襄漢有警復何所恃詔書從之沂中兵
抵濠州光世舍廬州而南淮西洶動浚聞疾馳至采石
令其衆曰有一人渡江者斬光世復駐軍與沂中接劉

猊攻沂中沂中大破之猊麟皆拔柵遁帝手書嘉獎召
浚還勞之時趙鼎等議回蹕臨安浚奏天下事不倡則
不起三歲之間陛下一再臨江士氣百倍今岳飛一還
人心解體帝幡然從浚計鼎出知紹興府浚以親民之
官治道所急條具郡守監司省郎館閣出入迭補之法
又以災異奏復賢良方正科七年以浚却敵功制除特
進未幾加金紫光祿大夫問安使何蘇歸報徽宗皇帝
寧德皇后相繼崩殂上號慟擗踊哀不自勝浚奏天子

之孝不與士庶同必思所以奉宗廟社稷今梓宮未返天下塗炭願陛下揮涕而起斂髮而趨一怒以安天下之民上乃命浚草詔告諭中外辭甚哀切浚又請命諸大將率三軍發哀成服中外感動浚言陛下命臣雪此至恥而臣終隲成功使敵無憚今日之禍端自臣致乞賜罷黜再疏待罪不許乃請乘輿發平江至建康浚總中外之政幾事叢委以一身任之每奏對必言讎恥之大反復再三上未嘗不改容流涕時事無巨細必以咨

浚賜諸將詔往往命浚草之劉光世在淮西軍無紀律
浚奏罷光世以其兵屬督府命參謀兵部尚書呂祉往
廬州節制而樞密院以督府握兵馬嫌乞置武帥乃以
王德為都統制即軍中取鄺瓊副之浚奏其不當瓊亦
與德有宿怨列狀訴御史臺乃命張俊為宣撫使楊沂
中劉錡為制置判官以撫之未至瓊等舉軍叛執呂祉
以歸劉豫社不行詈瓊等碎齒折首而死浚引咎求去
位帝問誰可代者且曰秦檜何如浚曰近與共事方知

其闡帝曰然則用趙鼎檜由是憾浚浚以觀文殿大學士提舉江州太平興國宮先是浚遣人持手榜入偽地間劉豫及酈瓊叛去復遣間持蠟書往遺瓊金人果疑豫尋廢之臺諫交詆浚落職以祕書少監分司西京居永州九年以赦復官提舉臨安府洞霄宮未幾除資政大學士知福州兼福建安撫大使金遣使來以詔諭為名浚五上疏爭之十年金敗盟復取河南浚大治海舟千艘為直指山東之計十一年除檢校少傅崇信軍節

度使充萬壽觀使免奉朝請十二年封和國公十六年
彗星出西方浚將極論時事恐貽母憂母誦其父對策
語曰臣寧言而死於斧鉞不忍不言以負陛下浚意
乃決上疏謂當今事勢譬如養成大疽於頭目心腹之
間不潰決不止惟陛下謀之於心謹察情偽使在我有
不可犯之勢庶幾社稷安全不然後將噬臍事下三省
秦檜大怒令臺諫論浚以特進提舉江州太平興國宮
居運州二十年徙永州浚去國幾二十載天下士無賢

不肖莫不傾心慕之金人憚浚每使至必問浚安在惟恐其復用秦檜懼浚為正論以害已令臺臣有所彈劾論必及浚反謂浚為國賊必欲殺之以張柄知潭州汪名錫使湖南使圍浚張常先使江西治張宗元獄株連及浚捕趙鼎子汾下大理令自誣與浚謀大逆會檜死乃免二十五年復觀文殿大學士判洪州浚時以母喪將歸葬會星變求直言浚謂金人數年間勢決求釁用兵而國家溺於宴安蕩然無備乃上疏極言而大臣沈

該万俟卨湯思退等見之謂敵初無釁笑浚為狂臺諫
湯鵬舉凌哲論浚歸蜀恐搖動遠方詔復居永州服除
落職以本官奉祠三十一年春有旨自便浚至潭聞欽
宗崩號慟不食上疏請早定守戰之策未幾金兵大入
中外震動復浚觀文殿大學士判潭州時金騎充斥王
權兵潰劉錡退歸鎮江遂改命浚判建康府兼行宮留
守浚至岳陽買舟冒風雪而行遇東來者云敵兵方焚
采石煙焰四達慎無輕進浚曰吾赴君父之急知直前

求乘輿所在而已時長江無一舟敢行北岸者浚乘小舟徑進過池陽聞海陵死餘衆猶二萬屯和州李顯忠兵在沙上浚往犒之一軍見浚以為從天而下浚至建康即牒通判劉子昂辦行宮儀物請乘輿亟臨幸二十二年車駕幸建康浚迎拜道左衛士見浚無不以手加額時浚起廢復用風采隱然軍民皆倚以為重車駕將還臨安勞浚曰卿在此朕無北顧憂命兼節制建康鎮江府江州池州江陰軍軍馬金兵十萬圍海州浚命鎮

江都統張子蓋往救大破之浚招集忠義及募淮楚壯
勇以陳敏為統制且謂敵長於騎我長於步衛步莫如
弩衛弩莫如車命敏專弩治車孝宗即位召浚入見賜
坐降問浚從容言人主兢業自持使清明在躬明賞罰
舉指無有不當人心自歸敵讎自服除少傅江淮東西
路宣撫使進封魏國公翰林學士史浩議欲城永州采
石浚謂不守兩淮而守江干是示敵以削弱急戰守之
氣不若先城泗州及浩參知政事浚所規畫浩必沮之

伏讀通鑑輯覽

御批孝宗初政卽復用張浚可謂銳於任賢設能專心委
界或贊成恢復亦未可定顧以浩為藩邸舊臣使預機
密守淮之議與浚意見牴牾遂爾多方掣肘寢至棄地
喪師其悞國不亞於檜
人主用人顧不慎哉
浚薦陳俊卿為宣撫判官帝召俊

卿及浮子栻赴行在浚附奏請上臨幸建康以動中原
之心用師淮堧進舟山東以為吳璘聲援帝見俊卿等
問浚動靜飲食顏貌曰朕依魏公如長城不容浮言搖
奪金人以十萬衆屯河南聲言規取兩淮移文索海泗
唐鄧商州及歲幣浚言金人詭詐不當為之動大兵屯

盱眙濠廬備之卒以無事隆興元年除樞密使都督建
康鎮江府江州池州江陰軍軍馬時金將富察圖們及
知泗州大周仁屯虹縣都督蕭琦屯靈壁積糧修城將
為南攻計浚欲及其未發攻之會主宰殿前司李顯忠
建康都統邵宏淵亦獻搆二邑之策浚具以聞上報可
召浚赴行在命先圖兩城乃遣顯忠出濠州趨靈壁宏
淵出泗州趨虹縣而浚自往臨之顯忠至靈壁敗蕭琦
宏淵圍虹縣降圖們周仁乘勝進克宿州中原震動孝

宗手書勞之曰近日邊報中外鼓舞十年來無此克捷
浚以盛夏人疲急召李顯忠等還師會金帥赫舍哩志
寧率兵至宿州與顯忠戰宏淵與顯忠不協部將各遁
去顯忠以勢不可孤立乃夜引歸浚上疏待罪有旨降
授特進更為江淮宣撫使宿師之還士大夫主和者皆
議浚之非孝宗復賜浚書曰今日邊事倚卿為重卿不
可畏人言而懷猶豫前日舉事之初朕與卿任之今日
亦須與卿終之浚乃以魏勝守海州陳敏守泗州戚方

守濠州郭振守六合治高郵巢縣兩城為大勢修滁州關山以扼敵衝聚水軍淮陰馬軍壽春大飭兩淮守備帝復召栻奏事浚附奏云臣以孤蹤動輒掣肘陛下將安用之因乞骸骨帝覽奏謂栻曰朕待魏公有加不為浮議所惑尋詔復浚都督之號金帥布薩忠義貽書三省樞密院索四郡及歲幣不然以農隙治兵浚言金強則來弱則止不在和與不和時湯思退為右相思退秦檜黨也急於求和遂遣盧仲賢持書報金浚言仲賢小人多妄不可委信已而仲賢果

以許四郡辱命朝廷復以王之望為通問使龍大淵副之
浚爭不能得未幾召浚入見復力陳和議之失帝為止誓
書留之望大淵待命而令通書官胡昉楊由義往諭金以
四郡不可割若金人必欲得四郡當追還使人罷和議拜
浚尚書右僕射同中書門下平章事兼樞密使都督如故
思退為左僕射胡昉等至宿金人械繫迫脅之昉等不屈
更禮而歸之孝宗諭浚曰和議之不成天也自此事當歸
一矣二年議進幸建康詔之望等還思退聞之大駭陰謀

陷浚儀詔浚行視江淮時浚所招徠山東淮北忠義之士以實建康鎮江兩軍凡萬二千餘人萬弩營所招淮南壯士及江西羣盜又萬餘人陳敏統之以守泗州凡要害之地皆築城堡其可因水為險者皆積水為圜墉置江淮戰艦諸軍弓矢器械悉備時金人屯重兵于河南為虛聲脅和有刻日決戰之語及聞浚來亟徹兵歸淮北之來歸者日不絕山東豪傑悉願受節度浚以蕭琦契丹望族沈勇有謀欲令盡領契丹降衆且以檄諭

契丹約為應援金人益懼思退乃令王之望盛毀守備以為不可恃令尹穡論罷督府參議官馮方又論浚費國不貲奏留張浚守泗不受趙廓之代為拒命浚亦請解督府詔從其請左司諫陳良翰侍御史周操言浚忠勤人望所屬不當使去國浚留平江凡八章乞致仕除少師保信軍節度判福州

伏請通鑑輯覽

御批 孝宗初召張浚卿用之意甚殷既曰倚魏公如長城又曰雖乞去之章日上朕決不許賜書又有須與卿終之之語若深相倚任者何以福州之命去之曾無難色及虞允文宣撫四川且戒以無效張浚迂濶又若夙所憎疾者然

何前後矛盾若此蓋其始不過博取恢復美名藉以虛張聲勢後覺事竟難成遂無所顧惜其情遂不覺流露直是無定見耳

浚辭改醴泉觀使朝廷遂決棄地求和之議浚既去猶上疏論尹穉姦邪必誤國事且勸上務學親賢或勉浚勿復以時事為言浚曰吾荷兩朝厚恩久尸重任今雖去國苟有所見安忍弗言行次餘干得疾手書付二子曰吾嘗相國不能恢復中原雪祖宗之恥即死不當葬我先人墓左葬我衡山下足矣訃聞孝宗震悼輟視朝贈太保後加贈太師諡忠獻浚幼有大志及為熙河

幕官徧行邊壘覽觀山川形勢時時與舊戍守將問祖宗以來守邊舊法及軍陣方畧之宜故一旦起自疏遠當樞筦之任悉能通知邊事本未在京城中親見二帝北行皇族係虜生民塗炭誓不與敵俱存故終身不主和議每論定都大計以為東南形勢莫如建康可以北望中原常懷憤惕至如錢塘僻在一隅易於安肆不足以號召北方與趙鼎共政多所引擢人號小元祐所薦虞允文汪應辰王十朋劉珙等為名臣拔吳玠吳玠於

行間謂韓世忠忠勇可倚以大事一見劉錡付以事任
卒皆為名將一時稱浚為知人浚事母以孝稱學邃於
易有文集十卷奏議二十卷子栻栻自有傳

杓字定叟以父恩授承奉郎歷廣西經畧司機宜通判
嚴州浙西使者薦所部吏而不及杓孝宗特令召對差
知袁州戢豪彊弭盜賊尉獲盜杓察知其枉縱之未幾
果獲真盜改知衢州兄栻喪無壯子請祠以營葬事主
管五局觀遷湖北提舉常平改浙西督理荒政蘇湖二

州皆闕守命兼攝焉有執政姻黨閉糴杓首治之帝獎其不畏疆禦遷兩浙轉運判官未幾以直徽猷閣升副使改知臨安府奏除逋欠四萬緡米八百斛進直龍圖閣都城浩穰姦盜聚憑杓分地以警捕夜戶不閉張師尹納女掖庭供給使恃以恣橫杓因事痛繩之徙其家信州權兵部侍郎仍知臨安修三隄復六井府治火延及民居上疏自劾詔削二秩移知鎮江召為戶部侍郎言事迂時相意高宗崩以集英殿修撰知紹興府董山

陵事召還為吏部侍郎光宗即位權刑部侍郎復兼知
臨安府紹熙元年為刑部侍郎仍為府尹內侍毛伯益
冒西湖焚地為亭外戚有殺其僕者杓皆奏論如律進
煥章閣學士知襄陽府未幾進徽猷閣學士知建康府
繼復命還襄陽寧宗嗣位歸正人陳應祥忠義人党琪
等謀襲均州副都統馮湛間道疾馳以聞杓不為動徐
部分掩捕斬其為首者二人盡釋黨與反側以安升寶
文閣學士知平江府未行改知建康府升龍圖閣學士

知隆興府兼江西安撫使奉新縣舊有營田募民耕之
畝賦米斗五升錢六十其後議臣請鬻之始征兩稅和
買且加折變民重為困杓悉奏蠲之進端明殿學士復
知建康府以疾乞祠卒杓吏材敏給所至以治辦稱南
渡以來論尹京者以杓為首云子忠純忠恕自有傳

欽定續通志卷三百六十八

欽定四庫全書

史部

欽定續通志卷三百

六十九
七十

編修_臣謝振定覆勘

總校官原任侍講_臣王燕緒

欽定四庫全書

欽定續通志卷二百六十九

列傳

宋

七十三

朱勝非

呂頤浩

范宗尹

范致虛

呂好問

朱勝非字藏一蘇州人崇寧二年上舍登第靖康元年

為東道副總管權應天府金人攻城勝非逃去會韓世

忠部將揚進破敵勝非復還視事逾年詣濟州為煠王
言南京為藝祖興王之地請幸之以圖大計王即位南
京建炎改元試中書舍人兼權直學士院時方草荆勝
非憑敗鼓草制辭氣嚴重如平時上疏言仁義者天下
之大柄中國持之則外夷服而諸夏尊國家與契丹結
好百有餘年一旦乘其亂弱為夾攻計是中國失其柄
而外侮所由招也陛下即位宜益明正始之道思其合
於仁義者行之帝為嘉納總制使錢蓋進職勝非言蓋

為陝西制置使棄師誤國封還貼黃蓋遂罷諫官衛膚
敏坐論元祐太后兄子徙官勝非言以外戚故去諫臣
非所以示天下二年除尚書右丞時宰執蔭補多濫勝
非奏舊制宰執子弟皆例不堂除只就銓注罷政不以罪
然後推恩趙普子弟皆作武臣普再相長子授莊宅使
范純仁再相子正平有文行竟死選調章惇子援及持
皆高科並為州縣募職監當惟夏竦子安期累作邊帥
授待制直學士王安石薦子雱為崇政殿說書除待制

然安期猶有才幹雋猶有學問至蔡京子六人孫四人
鄭居中劉正夫子各二人余深王黼白時中蔡卞鄧洵
仁洵武子各一人並列從班宣和末諫官疏謂尚從竹
馬之遊已造荷囊之列今不可以不戒遷中書侍郎三
年帝自鎮江南幸留勝非經理命為控扼使已而拜宣
奉大夫尚書右僕射兼御營使會王淵簽書樞密院事
兼御營司都統制內侍復用事恣橫諸將不悅於是苗
傅劉正彥與其徒王鈞甫馬柔吉王世脩謀誣淵結宦

官謀反正彥手斬淵分捕中官皆殺之擁兵至行宮門
外勝非趨樓上詰專殺之由帝親御樓撫諭傳正彥語
頗不遜勝非乃從皇太后出諭傳等請高宗避位太后
抱皇子聽政太后不可顧勝非曰今日正須大臣果決
相公何無一言耶勝非還告帝曰王鈞甫乃傳等腹心
適語臣云二將忠有餘而學不足此語可為後圖之緒
於是太后垂簾高宗退居顯忠寺號睿聖宮勝非因請
降赦以安傳等又奏母后垂簾須二臣同對此承平故

事今日事機有須密奏者乞許臣僚獨對而日引傳徒

二人上殿以弭其疑

伏讀通鑑輯覽

御批朱勝非曰擊賊人凌逼乘輿不能奮身舒難越樓往返
徒代賊傳言未聞有所捍球已幸大臣安危相倚之義及
隆太后出門宣諭義正辭嚴勝非在側使能引伸晚解示
以禍福安見不可折羣賊之氣以杜逆謀乃始終藉口不
語雖聞太后請護尚爾嘿然轉請高宗手書禪詔致成廢
立之勢誠不知其是何肺腑即云委蛇求濟以徐圖匡復
或亦權宜應變之方頃事已經旬並無討賊之計又未密
約在外握兵諸將以協力勤王使非張浚諸人慷慨誓師
迎為匡復勝非將遂安心坐視耶觀其所建白不過日引
賊黨同奏以弭其疑舍此別無籌畫是惟知一身免禍于
國事究何所賴繩以春秋太后語帝曰賴相此人若汪黃
之法亦豈逃同惡之誅乎

在位事已狼籍矣傳正彥乞改年號及移蹕建康勝非恐盡廢其請則倉卒變生乃改元明受傳等欲挾帝幸徽越勝非論之以禍福而止傳聞韓世忠起兵取其妻子為質勝非紿傳曰不若遣之使迓世忠而慰撫之則平江諸人益安矣傳許諾勝非喜曰二凶真無能為也諸將皆至傳等懼勝非因謂之曰勤王之師未進者使是間自反正耳不然下詔率百官六軍請帝還宮公等置身何地乎即召學士李昉張守作百官章及太后手

詔四月朔勝非率百官詣睿聖宮親掖帝乘馬還宮既復辟勝非曰臣昔遇變義當即死偷生至此欲圖今日之事耳乃乞罷政帝問誰可代者勝非曰呂頤浩張浚問孰優曰頤浩練事而暴浚喜事而疎

伏讀通鑑輯覽

御批朱勝非既不能弭患於未萌復不能靖亂於臨事及諸將戡定禍患實無顏復居政府顧其乞罷時雖舉呂頤浩張浚以代而一則謂其練事而暴一則謂其喜事而疎力為貶抑隱然有二臣皆不已若之意則其庸碌慙戕肺肝已不可折而所為引過求退特藉以杜衆人之口非真能負疾自勦也

帝曰浚太年少勝非

曰臣向被召軍旅錢穀悉付浚此舉浚實主之御史中

丞張宇論勝非不能預防致賊猖獗宜罷不報授觀文
殿大學士知洪州尋除江西安撫大使兼知江州紹興
元年馬進陷江州侍御史沈與求論九江之陷由勝非
赴鎮太緩降授中大夫分司南京江州居住二年呂頤
浩薦兼侍讀又薦都督江淮荆浙諸軍事給事中胡安
國侍御史張濟交章論罷之頤浩力引其入再除兼侍
讀尋拜尚書右僕射同中書門下平章事丁母憂去起
復右僕射兼知樞密院事上吏部七司敕令格式一百

八十卷時員外郎江端友請營宗廟議者非之以為國家期於恢復不常厥居勝非方主和議遂白帝營宗廟于臨安徐俯罷參政勝非薦胡松年侍御史常同劾松年乃王黼客勝非徙同左史莫儔謫曲江其奴為勝非治疽而愈奴為儔請得復官姻家劉式常言其兵官獲盜勝非不以付部用特旨改官會久雨勝非累章乞免且自論當罷者十一事魏矼亦劾其罪遂罷五年應詔言戰守四事起知湖州引疾歸勝非與秦檜有隙檜時

得政勝非廢居八年卒謚忠靖勝非張邦昌友壻也始
邦昌僭位勝非嘗械其使及金人過江勝非請尊禮邦
昌錄其後以謝敵苗劉之變保護聖躬功居多既去力
薦張浚然李綱罷勝非受黃潛善風旨草制極言其狂
妄再相忌趙鼎宣撫川陝欲重使名以制吳玠勝非
從中沮抑之人以此益薄其品及著閑居錄亦多其私
說云

呂頤浩字元直其先樂陵人徙齊州中進士第父喪家

貧躬耕以贍老幼後為密州司戶參軍以李清臣薦為
邠州教授除宗子博士累官至河北都轉運使伐燕之
役頤浩以轉輸隨种師道至白溝既得燕山郭藥師衆
二萬契丹軍萬餘皆仰給縣官詔以頤浩為燕山府路
轉運使頤浩奏開邊極遠其勢難守雖窮力竭財無以
善後又奏燕山河北邊急五事願博議久長之策徽宗
怒命褫職貶官而視事如故尋復馬進徽猷閣直學士
金人入燕郭藥師劫頤浩與蔡靖等以降敵退得歸復

以為河北都轉運使以病辭提舉崇福宮高宗即位除
知揚州車駕南幸除戶部侍郎進戶部尚書劇賊張遇
衆數萬屯金山縱兵焚掠頤浩單騎與韓世忠造其壘
說之以逆順遇黨釋甲降進吏部尚書建炎二年金人
逼揚州車駕南渡鎮江召從臣問去留頤浩叩頭願且
留此為江北聲援不然敵乘勢渡江事愈急矣駕幸錢
塘拜同簽書樞密院事江淮兩浙制置使還屯京口金
人去揚州改江東安撫制置使兼知江寧府時苗傅劉

正彥為逆逼高宗避位頤浩至江寧奉明受改元詔赦
會監司議皆莫敢對頤浩曰是必有兵變其子抗曰主
上春秋鼎盛二帝蒙塵沙漠日望拯救其肯遽遜位于
幼冲乎灼知兵變無疑也頤浩即遣人寓書張浚浚亦
謂頤浩有威望能斷大事書來報起兵狀頤浩乃與浚
及諸將約會兵討賊時江寧士民洵懼頤浩檄楊惟忠
留屯以安人心且恐苗傅等計窮挾帝繇廣德渡江戒
惟忠先為控扼備俄有旨召頤浩赴院供職上言今金

久已可華全書

奏所統將士忠義所激可合不可離傳等懼乃請高宗復辟師次秀州頤浩勉諸將曰今雖反正而賊猶握兵居內事若不濟必反以惡名加我翟義徐敬業可監也次臨平苗傅等拒戰頤浩被甲立水次出入行陣督世忠等破賊傅正彥引兵遁頤浩等以勤王兵入城都人夾道聳觀以手加額朱勝非罷相以頤浩守尚書右僕射中書侍郎兼御營使改同中書門下平章事車駕幸建康聞金人復入召諸將問移蹕之地頤浩曰金人謀

以陛下所至為邊面今當且戰且避奉陛下於萬全之地臣願留常潤死守帝曰朕左右不可以無相乃以韓世忠守鎮江劉光世守太平駕至平江聞杜充敗績曰事迫矣若何頤浩遂進航海之策

按頤浩進航海之策其言曰敵兵多騎必

不能乘舟襲我江浙地熱必不能久留俟其退去復還二浙彼出我入彼入我出此兵家之奇也帝然之遂如

明州伏讀通鑑輯覽

御批

呂頤浩與諸將議還都時即有且戰且避之說其胷中

早存航海一着以為長算至是遂進策請行無論他日章

安之追幾不免於禍而風濤漂泊詎可久居所謂萬全之地顧如是耶又况奔逃跋涉出入無時甯已損威失重乃猶自謂為兵家之奇亦庸陋不知恥矣頤浩處苗劉之變

緯有遠謀張浚亦稱其能斷大事何前後之不相符若此豈其才識僅能集羣策以成事而不足獨當一面乎

初建炎御營使本以行幸總齊軍政而宰相兼領之遂專兵柄樞府幾無所預頤浩在位尤顯恣趙鼎論其過四年以鼎為翰林學士吏部尚書鼎辭且攻頤浩章十數上頤浩求去除鎮南軍節度開府儀同三司醴泉觀使奉化賊蔣璉乘亂為變劫頤浩寘軍中高宗以頤浩故赦而招之尋除江東安撫制置大使兼知池州頤浩請兵五萬屯建康等處又請王玘巨師古兵自隸將之

鎮而李成遣將馬進圍江州乃駐軍鄱陽會楊惟忠兵
請與俱趨南康遣師古救江州賊衆鏖戰頤浩惟忠失
利師古敗奔洪州頤浩乞濟師討李成帝曰頤浩奮不
顧身為國討賊羣臣所不及但輕進其失也詔王玘以
萬人速往策應頤浩復軍左蠡又得閤門舍人崔增之
衆萬餘軍勢復振命玘增擊賊敗之乘勝至江州則馬
進已陷城矣朝廷命張俊為招討使俊既至遂敗馬進
追斬之成以餘衆降劉豫詔以淮南民未復業須威望

大臣措置以頤浩兼宣撫領壽春府徐廬和州無為軍
招降趙延壽于分寧得其精銳五千分隸諸將張琪自
徽犯饒州有衆五萬時頤浩自左蠡班師帳下兵不滿
萬人郡人皇駭頤浩命其將閻臯姚端崔邦弼列陣以
待琪犯臯軍臯力戰端邦弼兩軍夾擊大破之拜少保尚書
左僕射同中書門下平章事兼知樞密院事二年帝自
越州還臨安時桑仲在襄陽欲進取京城乞朝廷舉兵
為聲援頤浩乃大議出師而身自督軍北向高宗諭頤

浩秦檜曰頤浩治軍旅檜理庶務如種蠱分職可也二人同秉
政檜知頤浩不為公論所與多引知名士為助欲傾之而擅朝
權高宗乃下詔以戒朋黨除頤浩都督江淮荆浙諸軍事開府
鎮江頤浩辟文武士七十餘人以神武後軍及御前忠銳崔增
趙延壽二軍從行百官班送頤浩次常州延壽軍叛劉光世殲
其衆又聞桑仲已死遂不進引疾求罷詔還朝以知紹興府朱
勝非同都督諸軍事頤浩既還欲傾秦檜乃引勝非為助給事
中胡安國論勝非必誤大計勝非復知紹興府尋以醴泉觀使

黃侍讀安國持錄黃不下頤浩特命檢正諸房文字黃龜年書
行安國以失職求去罷之擢上章乞留安國不報侍御史江濟
左司諫吳表臣皆以論救安國罷程瑤胡世將劉一正張壽林
待聘樓炤亦坐論擯黨斥臺省一空遂罷擯相頤浩獨秉政
屢請興師復中原謂太祖取天下兵不過十萬今有兵十六
七萬矣然自金人南牧莫敢嬰其鋒比年韓世忠張浚陳思
恭張崇屢奏人有戰心天將悔禍又金人以中原付劉豫三
尺童子知其不能立國願睿斷早定決策北向今之精銳皆

中原人恐久而消磨他日難以舉事時盜賊稍息頤浩
請遣使循行郡國平獄訟宣德意李綱宣撫湖南頤浩
言綱縱暴無善狀請罷諸路宣撫之名綱止為安撫使
時李光在江東與頤浩書言綱有大節遠人畏服頤浩
稱光結黨言者因論光罷之時方審量濫賞頤浩時有
縱舍右司郎官王岡持不可曰公秉國鈞不平謂何頤
浩再秉政凡二年高宗以水旱地震下詔罪已求言一
日謂大臣曰近蕪湖地震泉州大水輒不以奏何也侍

御史辛炳殿中常同論頤浩罪遂罷為鎮南軍節度使
開府儀同三司提舉洞霄宮改特進觀文殿大學士五
年詔問宰執以戰方畧頤浩條十事以獻除湖南安撫
制置大使兼知潭州時郴衡桂陽盜起頤浩遣人悉平
之帝在建康除頤浩少保浙西安撫制置大使知臨安
府行宮留守明堂禮成進封成國公八年上將還臨安
除少傅鎮南定江軍節度使江東安撫制置大使兼知
建康府行宮留守頤浩引疾求去除醴泉觀使九年金

人歸河南地高宗欲以頤浩往陝西命中使召赴行在
頤浩以老病辭且條陝西利害謂金人無故歸地其必
有意召趣赴闕既至以疾不能見乃聽歸未幾卒贈太
師封秦國公謚忠穆頤浩有膽畧善鞍馬弓劍當國步
艱難之際人倚之為重自江東再相胡安國以書勸其
効法韓忠獻以至公無我為先報復思讎為戒頤浩不
能用時軍用不足頤浩與朱勝非初立江浙湖南諸路

大軍月椿錢

伏讀通鑑輯覽

御批宗自王安石蔡京相繼言利橫征重斂民不聊生邦本因而不同高宗親見閭閻疾苦定為差役法思欲與民休息曾幾何時復有月椿之取百姓方凋敝已極區區免役小惠元氣豈能遽復旋即加之腹削其何以堪况彼時僅餘東南半壁尚使其罹于塗炭更安望能復侵地以保遺黎願浩筆謀國不減罪囚無可他議高宗明知而復蹈之亦獨何耶於是郡邑多橫賦大為東南患云

范宗尹字覺民襄陽鄧城人宣和三年上舍登第累遷侍御史右諫議大夫王雲使北還言金人必欲得三鎮宗尹請棄之以紓禍言者非之宗尹罷歸張邦昌僭位復其職遣同路允迪詣康王勸進建炎元年李綱拜右

僕射宗尹論其名浮於實有震主之威不報出知舒州
言者論宗尹嘗汚偽命責置鄂州既召為中書舍人遷
御史中丞拜參知政事呂頤浩罷相宗尹攝其位時諸
盜據有州縣朝廷不能制宗尹言太祖收藩鎮之權天
下無事百五十年可謂良法然國家多難四方帥守兵
力單寡束手環視此法之弊今當稍復藩鎮之法裂河
南江北數十州之地付以兵權俾蕃王室較之棄地北
敵豈不相遠帝從其言授宗尹通議大夫守尚書右僕

射同中書門下平章事兼御營使宗尹奏以京畿東西
淮南湖北地並分為鎮授諸將以鎮撫使為名軍興聽
便宜從事然李成薛慶孔彥舟桑仲輩起於羣盜翟興
劉位土豪李彥光郭仲威皆潰將又無總率統屬且不
遣援通餉故諸鎮多不能守其地宗尹請有司討論崇
觀以來濫賞修書營繕應奉開河免夫獄空之類皆釐
正之宣靖執政圍城時受偽命之人反用赦申雪徐秉
哲吳玠莫儔等並量移吳敏王孝迪耿南仲孫覲蔡懋

等並敘復侍郎季陵希宗尹意乞詔宰執於罪累中選材能量付以事沈與求劾陵因及宗尹宗尹求去帝為罷與求初宗尹廷對詳定官李邦彥特取旨真宗尹乙科宗尹德之贈邦彥觀文殿大學士樞密院副都承旨闕宗尹擬邢煥藍公佐辛道宗三人煥戚里公佐管客省道宗不知兵人以此咎宗尹密院計議官王侑紹佐宗尹請除侑為宗正丞侍御史張廷壽劾之罷侑紹興元年二月辛巳日有黑子宗尹以輔政無狀請免帝

不許又嘗薦魏滂為江東通判諫官言其貪盜官錢滂
遂罷李弼孺領營田諫官言其媚事朱勔二人俱罷論
者以白州守晁公為擾民宗尹陰佑之會公為妻受囚
金事覺帝罷公為宗尹不自安時明堂覃恩宗尹請舉
行討論之事帝手劄云朕不欲歸過君父斂怨士大夫
始宗尹建此議秦檜力贊之及見上意堅反擠宗尹帝
亦惡其與辛道宗兄弟往來遂罷沈與求奏其罪狀落
職未幾命知溫州退居天台卒宗尹建議分鎮以是得

相位然其置帥多授劇盜為政多私屢為議者所詆云
范致虛字謙叔建州建陽人舉進士為太學博士坐祖
送鄒浩停官徽宗嗣位召見除左正言出通判郢州崇
寧初以右司諫召道改起居舍人進中書舍人蔡京建
請置講議司引致虛為詳定官議不合改兵部侍郎自
是入處華要出典大郡者十五年以附張商英貶通州
政和七年復官入為侍讀修國史尋除刑部尚書提舉
南京鴻慶宮初致虛在講議司延康殿學士劉易嘗乘

蔡京怒擠之後王寀坐妖言繫獄事連曷論死致虛爭之曷得減竄士論賢之遷尚書右丞進左丞母喪踰年起知東平府改大名府入見言不當用師契丹恐開邊隙宰相謂其懷異遂聽終喪服除知鄧州改河南府中人規景華苑欲奪故相富弼園宅致虛言其不可乃止復移鄧州提舉亳州明道宮帝方好老氏致虛希時好營飭道宇賜名諫真宮靖康元年召赴闕道除知京兆府時金人圍太原聲震關中致虛修戰守備甚力除陝

西宣撫使京師被兵詔致虛會兵入援時陝西節制錢
蓋兵十萬至潁昌聞京師破而遁西道總管王襄南走
致虛獨與西道副總管孫昭遠環慶帥王似熙河帥王
倚合步騎號二十萬以右武大夫馬昌祐統之命杜常
將民萬人俱趨京師夏倣將萬人守陵寢致虛以僧趙
宗印為知兵俾充宣撫司參議官兼節制軍馬致虛以
大軍遵陸宗印以舟師趨西京金人破京師遣人持登
城不下之詔以止援兵致虛斬之遂奪潼關作長城自

闕迄龍門所築僅及肩宗印又以僧為一軍號尊勝隊
童子行為一軍號淨勝隊致虛勇而無謀委已以聽宗
印宗印徒大言實未嘗知兵數虛軍出武闕至鄧州
千秋鎮金將羅索以精騎衝之不戰而潰死者過半杜
常夏淑先遁致虛斬之孫昭遠王似王倚等留陝府致
虛收餘兵入潼關方致虛之鼓行出關也裨將李彥仙
曰行者利速多為支軍則舍不至淹敗不至覆若衆羣
聚而出殺澠一蹴於險則皆潰矣致虛不聽遂底于敗

高宗即位言者論其逗撓不進徙知鄧州尋加觀文殿學士復知京兆府致虛力辭而薦席益李彌大唐重自代詔以重守京兆府致虛知鄧州次年宗印領兵出武關與致虛合金將伊珠兵壓境致虛遁宗印兵不戰走安撫使劉汲力戰死焉致虛坐落職責授安遠軍節度副使英州安置高宗幸建康召復資政殿學士知鼎州行至巴陵卒贈銀青光祿大夫

呂好問字舜徒侍講希哲子也以廢補官崇寧初治黨

事好問以元祐子弟坐廢兩監東嶽廟司揚州儀曹時
蔡卞為帥欲扳附善類待好問特異好問以禮自持卞
不得親及卞得政其黨拔擢畧盡獨好問留滯卞諷之
曰子少親我即階顯列矣好問笑不答靖康元年以薦
召為左司諫諫議大夫擢御史中丞欽宗諭之曰卿元
祐子孫朕特用卿令天下知朕意所嚮先是徽宗將內
禪詔解黨禁除新法盡復祖宗之故而蔡京黨戚根據
中外害其事莫肯行好問言時之利害政之闕失太上

皇詔旨備矣雖使直言之士抗疏論列無以過此願一
一施行之又言陛下宵衣旰食有求治之意發號施令
有求治之言逮今半載治效逾邁良由左右前後不能
推廣德意而陛下過於容養臣恐淳厚之德變為頽靡
且今不盡革京貫等所為太平無由可致欽宗鄉納因
疏蔡京過惡乞投海外黜朋附之尤者以厲其餘又建
白削王安石王爵正神宗配饗褒表江公望張庭堅任
伯兩龔夬等除青苗之令洵元符上書獲譴者章前後

數十上每奏對帝雖當食輒使畢其說時金人既退大臣不復顧慮武備益弛好問言金人得志益輕中國秋冬必傾國復來禦敵之備當速講求今邊事經畫旬月不見施設臣僚奏請皆不行下此臣所深懼也及邊警急大臣不知所出遣使講解金人佯許而攻畧自如諸將以和議故皆閉壁不出好問言彼名和而實攻朝廷不謀進兵遣將何也請亟集滄滑邢相之戍以遏奔衝而列勤王之師于畿邑以衛京城疏上不省金人陷真

定攻中山上下震駭廷臣狐疑相顧猶以和議為辭好問率臺屬劾大臣畏懦誤國出好問知袁州欽宗憫其忠下遷吏部侍郎既而金人薄都城欽宗思好問言進兵部尚書都城失守召好問入禁中軍民數萬斧左掖門求見天子好問從帝御樓諭遣之衛士長蔣宣帥其徒數百欲邀乘輿犯圍而出左右奔竄獨好問與孫傳梅執禮侍宣抗聲曰國事至此皆宰相信任姦臣不用直言所致傳呵之宣以語侵傳好問曉之曰若屬忘家

族欲冒重圍衛帝以出誠忠義然乘輿將駕必甲乘無
闕而後動詎可輕耶宣詘服曰尚書真知軍情麾其徒
退帝再幸金營好問實從帝既留遣好問還慰拊都城
已而金人立張邦昌邦昌入居都省好問曰相公真欲
立邪抑姑塞敵意而徐為之圖爾邦昌曰是何言也好
問曰相公知中國人情所向乎特畏金人兵威耳金人
既去能保如今日乎大元帥在外元祐皇太后在內此
殆天意盍亟還政可轉禍為福且省中非人臣所處宜

寓直殿廬毋令衛士夾陛敵所遺袍帶勿服車駕未還
所下文書不當稱聖旨以好問攝門下省好問仍行舊
職時邦昌雖不改元而百司文移必去年號獨好問所
行文書稱靖康二年吳玠莫儔請邦昌見金使於紫宸
垂拱殿好問曰宮省故吏驟見御正衙必將憤駭變且
不測奈何邦昌矍然止始金人謀以五千騎取康王好
問聞即遣人以書白王言大王之兵度能擊則邀擊之
不然即宜遠避且言大王若不自立恐有不當立而立

者既又語邦昌曰天命人心皆歸大元帥相公先遣人
推戴則功無在相公右者若遲疑不決他人聲義致討
悔可追邪於是邦昌謀遣謝克家奉傳國寶往大元帥
府須金人退乃發金將將還議留兵以衛邦昌好問曰
南北異宜北兵不習風土必不相安金人欲留一貝勒
統之好問曰貝勒貴人有如觸發致疾則負罪益深乃
不復留兵

伏讀通鑑輯覽

御批王時雍等擁戴邦昌已甘心為僭竊之臣好問小黠乃首發
康王正位之議且止金人之留兵通濟州之聲問得以漸杜奸

謀其功固為可錄但當議立邦昌時下聞好問畧為爭執而權門下省之拜又受其為署而不辭則知後之所為非始終忠子宋蓋現知人心未厭宋故為急轉之機以避禍邀名所謂小人之尤耳 金人既行好問趣遣使諸大

元帥府勸進請元元祐太后垂簾邦昌易服歸太宰位太后自延福宮入聽政高宗即位太后遣好問奉手書詣行在所高宗勞之曰宗廟獲全卿之力也除尚書右丞丞相李綱以羣臣在圍城中不能執節欲悉按其罪好問曰王業艱難政宜含垢繩以峻法懼者衆矣

御批

伏讀通鑑輯覽

徽欽兩朝一切委靡不振割致於亡李綱欲悉按圍城

中不能執節之罪非惟申嚴臣子大防且藉此可以飭憲紀而佐維新之治呂好問詭辭沮止不過以魯受僞職莫為自免地耳視從逆為無關輕重且倡為艱難舍垢之已言峻法滋懼之說則是怙終文過其心更不容誅矣

而為侍御史王賓論劾高宗謂其心跡非他人比好問力求去且言邦昌僭號之時臣若閉門潔身實不為難徒以世被國恩所以受賢者之責冒圍賣書於陛下疏入除資政殿學士知宣州提舉洞霄宮以恩封東萊郡侯避地卒于桂州子本中揆中弼中用中忱中孫祖讓祖儉本中祖讓祖儉別有傳

欽定續通志卷三百六十九